

衡陽縣志卷之十八

沔陽李光笈

知縣事 昌樂閻肇焯 纂修

仁和嚴 煥

〔典禮〕

虞廷命官秩宗特重周監二代郁郁彬彬而三千三百之旨燦然大備

聖朝酌古準今損益悉歸至當謹錄其至大而通行者一以明臣下之所共凜一以見風化之所由隆煌煌鉅典萬世由之矣

衡陽縣志

卷之十八

典禮

一

萬壽宮

在府學側乾隆四十四年守道楊開鼎知府王嘉賓同七邑知縣捐俸並各邑士民樂捐創建

每歲元旦冬至

萬壽節文武各官遵照會典齊赴行禮

元旦

萬壽節前後七日各官俱穿蟒袍上元冬至

皇后千秋節各官穿蟒袍一日

儀注

前期恭設香案龍亭至日各官朝服齊集教官一員先行禮立於檐下糾儀各官以次就位文東武西行三跪九叩首禮各官退坐班出

班次

外官府縣班次文官知府同知通判爲一班知縣爲一班經歷縣丞爲一班武官參將爲一班守備爲一班千總爲一班縣丞千總而外諸員未到班次嘉慶十一年山東學政錢樾咨呈凡外州縣遇壇廟朝賀地方佐雜皆得隨班行禮而縣丞與教諭品級同係正八其先後則並無明文請示遵行經禮部議覆查百官相見儀注教官見督撫與州縣同是教職爲師儒之官其體制與首領佐雜有別又文廟祭祀時教官執事亦非佐雜等之比所有壇廟行禮班次教官

衡陽縣志

卷之十八

典禮

二

自應在縣丞之前十三年部覆山東巡撫吉綸咨請官教與屬州州同行禮班次亦應令教官在州同之先以歸畫一

開讀禮

凡恭逢

詔書所至地方官員遵照會典具龍亭彩輿儀仗鼓樂出郊迎至公庭行禮

儀注

本處官員出郊迎接朝使下馬奉

詔置龍亭中南嚮朝使立於亭東地方官員具朝服北嚮

行三跪九叩首禮鼓樂前導朝使上馬隨亭後行至公廡門外眾官先入文武分東西序立候龍亭至公庭中朝使立龍亭左西嚮行三跪九叩首禮朝使奉詔授展讀官展讀官跪受詣案前宣讀眾官皆跪宣畢奉詔授朝使朝使奉置龍亭中眾官行三跪九叩首禮畢皆退卽行膳黃分頒凡詔書經過地方官員軍民人等俱跪道旁候過方起五里以內府州縣衛文武官俱出城迎送五里外者不許讀法禮

雍正七年七月奉

衡陽縣志

卷之十八

典禮

三

旨飭行舉貢生員內揀選老成有學行者以爲約正樸實謹守者以爲直月於各大鄉大村人居稠密處每月朔望宣講

聖諭廣訓闡明大義詳示開導使鄉曲愚民咸生孝友敦睦之思共知尊卑長幼之節以臻一道同風之盛講約所在縣學明倫堂揀選年高行謹通文者八人充當木鐸每月朔望或初二十六日齊集各官宣講聖諭萬言廣訓士民環立拱聽講畢各散農忙歲暮停止聖諭十六條

敦孝弟以重人倫

篤宗族以昭雍睦

和鄉黨以息爭訟

重農桑以足衣食

尙節儉以惜財用

隆學校以端士習

黜異端以崇正學

講法律以儆愚頑

明禮讓以厚風俗

務本業以定民志

訓子弟以禁非爲

息誣告以全良善

戒窩逃以免株連

完錢糧以省催科

聯保甲以弭盜賊

解讐忿以保身命

釋菜禮

按各直省府州縣學凡官員到任後一二日  
示期行香卽釋菜之意

奉部酌定儀注先期備祭品香燭交教官所教官傳

集襄事諸生質明本官率其屬朝服至

衡陽縣志

卷之十八

典禮

四

文廟櫺星門外下輿馬步行由左門入立階下詣盥洗所

濯水進巾就位跪本官以下皆跪三跪九叩首興詣

至聖孔子神位前上香跪獻爵凡三叩首興詣

復聖顏子神位前上香獻爵如前儀詣

宗聖曾子神位前上香獻爵如前儀詣

述聖子思子神位前上香獻爵如前儀詣

亞聖孟子神位前上香獻爵如前儀復位跪本官以下

皆跪三跪九叩首興禮畢其

□二哲兩廡神位前教官恭代行禮

□行香禮

儀注

每月朔望府州縣官率其屬禮服詣

文廟櫺星門外下輿馬步行由左門入排班班齊詣

至聖孔子先師神位前上香跪叩首興復位三跪九叩首

興禮畢其

四配 十二哲兩廡俱教官恭代行禮

鄉飲酒禮

順治初令京府及直省府州縣每歲舉行鄉飲酒禮  
其酒於存留錢糧內支辦 雍正元年奉

諭以所備筵宴不堪應加謹舉行 頒圖式於天下一如

衡陽縣志

卷之十八

典禮

五

會典之制 乾隆二年覆准嗣後鄉飲酒禮酒席坐  
次悉依定式陳設並刊儀注臨期分給賓僎執事人  
等遵照行禮其應讀律令卽開載於儀注之後令讀  
律令者照例講讀其在省會令督撫委大員稽察監  
看其各府州縣亦令該地方實心奉行如有違條越  
禮者依律懲治定例主席在府知府在州知州在縣  
知縣如無正官佐貳官代大賓以致仕官爲之僎賓  
擇鄉里年高有德之人介以次長三賓以賓之次者  
爲之司正以教職爲之主揚觶以罰贊禮者以老成  
生員爲之 乾隆十八年會典館奏定各省舉行鄉

飲事不畫一旦竟有頻年闕略不舉致曠大典者應令各省督府轉飭所屬府州縣每歲遵照定例於正月十月舉行二次其賓介之數應令順天府及直省府州縣先期訪紳士之年高德邵者一人為大賓次為介賓又次為眾賓皆由州縣詳報府尹督撫覈定舉行其本地有仕至顯官偶居鄉里願來觀禮者依古禮坐於東北順天府及直省會城一品席南嚮二三品席西嚮各府州縣三品以上席南嚮四五品席西嚮無則闕之不立一僎二僎三僎之名不入舉報之內仍將所舉賓介造具姓名籍貫清冊送部

鄉飲酒圖

東 僎賓 圖 僎 主位 南東 正 司 齊 歌詩生 東 鐘 揚 讀 北 僎賓 圖 僎 主位 南東 正 司 齊 歌詩生 東 鐘 揚 讀

明 倫 堂 律 案 歌詩生 吹笙所

西 正 賓 眾 賓 介 賓 南西 酒 案 讀 鼓 齋 鐘 鼓 生 可 鐘 鼓 生 供 酒 饌 生

酒 案 讀 鼓 齋 鐘 鼓 生 可 鐘 鼓 生 供 酒 饌 生

儀注

前一日執事者於儒學講堂依圖陳設坐次監禮席於庭東北嚮賓席於堂西北南嚮主人席於堂東南西嚮介席於堂西南東嚮衆賓之長三人席於賓西南嚮東上皆專席不屬衆賓席於西序東嚮僚佐席於東序西嚮皆北上司正席於主人之東北嚮設律令案於主介間正中又設尊案一於東序端司正預率執事諸生習儀設樂於西階下至日黎明執事者宰牲具饌監禮及主人僚屬司正先詣學遣人速賓介以下比至主人率僚屬出迎於庠門外揖賓介衆

衡陽縣志

卷之十八

典禮

七

賓皆荅揖賓入主居東賓居西三揖三讓而後升堂東西相嚮立贊兩拜交拜畢賓卽席乃延介一揖一讓升介升拜如賓禮介卽席乃延衆賓以次皆升主人揖皆荅揖卽席主人率僚屬皆卽席咸坐贊司正揚觶執事者引司正由西階升詣堂中北嚮立贊起立賓介以下皆立贊揖司正揖賓介以下皆揖執事者以觶酌酒授司正司正舉酒曰恭惟

朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄友弟恭內睦宗族外和鄉黨無或廢墜以忝所生讀畢執

事者贊司正飲酒飲畢以觶授執事者贊揖司正揖賓介以下皆揖司正復位賓介以下皆坐贊讀律令執事者舉律令案於堂之中引讀律令者詣案前北面立贊賓介以下皆立行揖禮如前讀曰大誥鄉飲酒禮序長幼論賢良別姦頑異罪人其坐席間年高有德者居於上高年淳篤者並之以次序齒而列其有曾違條犯法之人不許干與善良之席主者若不分別致有貴賤混淆察知或發覺罪以違制姦頑紊亂正席者全家移出化外讀畢復位贊供饌執事者舉饌案至賓前次介次主人三賓以下各以

次設贊獻賓主人起席北面立執事者酌酒以授主人主人受爵詣賓前置於席稍退贊兩拜賓答拜訖執事者又酌酒以授主人主人受爵詣介前置於席交拜如前儀畢主人退復位贊賓酢酒賓起介從執事者酌酒授賓賓受爵詣主人前置於席稍退贊兩拜賓主交拜訖賓退復位介酢主人如前儀乃各就位坐執事者分左右立以次酌酒獻三賓衆賓徧贊飲酒二三行供羹贊奏樂工升歌周詩鹿鳴之章卒歌笙奏

御製補南陔詩間歌周詩魚麗之章笙奏



御製補由庚詩乃合樂歌周詩關雎之章卒歌工告備出  
執事者行酒主賓以下飲無算爵贊徹饌徹訖賓介  
主人以下皆興主人及僚屬居東賓介三賓眾賓居  
西贊兩拜賓主介拜訖贊送賓賓介眾賓主人以次  
下堂分東西行出庠門一揖退監禮者出主人送禮  
畢乃皆退

御製補笙詩樂譜

正月太簇商立宮 倍無射變宮主調

南陔三章二章章六句一章八句

笙譜

衡陽縣志

卷之十八

典禮

九

我變合宮 逝乙商南上角 陔變尺徵 言變尺徵 陟凡羽

其變尺徵 岵變六宮 昔變尺徵 我上角尺變尺徵 行凡羽 役凡羽

瞻變尺徵 望變六宮 有變尺徵 父凡羽 欲凡羽 養變六宮

無變尺徵 由變尺徵 風變六宮 木凡羽尺變尺徵 何乙商 補乙商

我變六宮 逝六宮南變尺徵 陔凡羽 言凡羽 陟六宮

其變尺徵 岵上角今乙商 我變合宮 行變尺徵 役凡羽

瞻凡羽 望變合宮 有上角 母乙商 母變尺徵 也乙商尺變尺徵

倚凡羽 廬凡羽 歸合宮 則凡羽尺變尺徵 寧乙商 止乙商

南變尺徵 陔乙商 有變尺徵 筍變合宮 籟變尺徵 實凡羽

勺變尺徵 之上角 孱變合宮 孱變合宮 孩變尺徵 提變尺徵

孰變尺徵 噢變合宮 唻變凡羽 之變凡羽 慎變合宮 爾變尺徵

溫變凡羽 清變合宮 潔變上角 爾變乙商 旨變尺徵 肴變上角

今變乙商 爾變六宮 不變凡羽 養變六宮 日變尺徵 月變乙商 上角

其變乙商 慆變合宮

由庚四章章四句

笙譜

王變合宮 庚變乙商 便變上角 便變乙商 東變六宮 西變凡羽

朔變六宮 南變尺徵 六變乙商 符變上角 調變尺徵 燮變凡羽

八變六宮 風變凡羽 節變上角 宣變乙商 王變尺徵 庚變凡羽

容變六宮 容變凡羽 朔變上角 南變乙商 西變尺徵 東變上角

衡陽縣志

卷之十八

典禮 十

惟變尺徵 敬變凡羽 與變乙商 勤變乙商 百變凡羽 王變尺徵

道變六宮 同變凡羽 王變尺徵 庚變凡羽 廓變六宮 廓變凡羽

東變尺徵 西變尺徵 南變乙商 朔變上角 先變六宮 憂變凡羽

而變上角 憂變凡羽 後變上角 樂變乙商 而變凡羽 樂變凡羽

王變尺徵 庚變凡羽 恢變六宮 恢變凡羽 南變乙商 朔變上角

東變尺徵 西變上角 皇變尺徵 極變凡羽 孰變尺徵 建變六宮

惟變尺徵 德變上角 之變乙商 依變合宮

十月應鐘清羽立宮 林鐘清變徵主調

南陔三章二章章六句一章八句

笙譜

我尺清變徵 逝凡清 南六清變宮 咳五清 言五清 陟上清角

其五清 岵尺清變徵 昔五清 我變清 行上清角 役上清角

瞻上清角 望尺清變徵 有五清 父上清角 欲上清角 養尺清變徵

無五清 由五清 風尺清變徵 木上清 何凡清 補凡清

我尺清變徵 逝尺清變徵 南五清 咳上清角 言上清角 陟尺清變徵

其五清 妃六清變宮 今凡清 我尺清變徵 行五清 役上清角

瞻上清角 望尺清變徵 有六清變宮 母五清 母五清 也凡清

倚上清角 廬上清角 歸尺清變徵 則上清角 寧凡清 止凡清

南五清 咳上清角 有五清 筍尺清變徵 籜五清 實上清角

勺五清 之六清變宮 孱尺清變徵 孱尺清變徵 孩五清 提五清

衡陽縣志

卷之十八

典禮

十一

孰五清 噢尺清變徵 咻上清角 之上清角 慎尺清變徵 爾五清

溫上清角 清尺清變徵 潔六清變宮 爾凡清 旨尺清變徵 肴上清角

今乙商 爾變六宮 不凡清 養變六宮 日變尺徵 月乙商 上角

其乙商 悵變合宮

由庚四章章四句

笙譜

王尺清變徵 庚凡清 便六清變宮 便凡清 東尺清變徵 西上清角

朔尺清變徵 南五清 六凡清 符六清變宮 調五清 燮上清角

八尺清變徵 風上清角 節六清變宮 宣凡清 王五清 庚上清角

容尺清變徵 容上清角 朔六清變宮 南凡清 西五清 東六清變宮

惟清變徵尺敬上角清尺與清凡羽勤清凡羽百清上角王清五宮

道清變徵六同清上角王清五宮庚清上角廓清變徵尺廓清上角

東清五宮西清五宮南清凡羽朔清變宮六先清變徵尺憂清上角

而清變宮六憂清上角後清變宮六樂清凡羽尺而清上角樂清上角

王清五宮庚清上角恢清變徵尺恢清上角南清凡羽朔清變宮六

東清五宮西清變宮六皇清五宮極清上角孰清五宮建清變徵尺

惟清五宮德清變宮六之清凡羽依清變徵尺

### 送學禮

縣官於紅案到日前期擇日傳集新生行送官肄業禮至日縣官於大堂公座簪掛花紅諸生行庭叅禮

## 衡陽縣志

### 卷之十八

典禮

十二

縣官拱立答拜由中門鼓樂導出縣官率領新生謁文廟行三跪九叩首禮畢詣明倫堂與儒學官交拜行兩拜禮新生次見儒學官行四拜禮儒學官立受兩拜陪拜兩拜

### 賓興禮

生員就鄉試者府縣官於七月朔擇期開宴祖餞府堂設席二門外設立月宮橋屆期各生員藍衫知府及衡清兩縣知縣並各學教官俱蟒袍各生員向上三揖府正坐兩縣及各學東西旁坐各生員堂下挨次列坐酒至兩縣出位定府尊席菜至演戲三曲捷

報三次給各生員盤費銀徹席簪花各生員向上三揖鼓吹送出二門至月宮橋知府送至大堂滴水簷前知縣教官送至月宮橋俱一揖別其捷者官爲樹旗送匾禮其廬

舉人會試其祖餞報捷照鄉試加隆

廩生既貢官禮之如鄉試報捷禮

迎春禮

前一日府州縣官具吉服綵仗鼓樂迎春於東郊出土牛

芒神先期塑造行一跪三叩首禮舁土牛

衡陽縣志

卷之十八

典禮

十三

芒神行香亭鼓樂前導至各署大門內設次安奉土牛南向

芒神位東西向

立春日清晨陳設香燭酒果各官俱吉服齊集設次所就位排班一跪三叩首興擊鼓各官執綵仗環立土牛兩旁鞭春各官環繞擊土牛三匝禮畢